

समे – 12:25

<><><><><><>

PM-Guyana Parliament

प्रधानमंत्री मोदी होरें आखेआ जे समावेशी समाज दे निर्माण आस्तै लोकतंत्र सब्बने शा बड्डा साधन ऐ। कल संजा गुयाना दी संसद दे विशेष सत्र गी संबोधत करदे होई प्रधानमंत्री होरें आखेआ जे दुनिया दे सामने अगगे बधने लेई सब्बने कोला मजबूत मंत्र ऐ “लोकतंत्र पैहले मनुक्खता पैहले”। उनें आखेआ जे लोकतंत्र साढ़े डीएनए च ते साढ़े आचारण च ऐ। प्रधानमंत्री होरें आखेआ जे दुनिया दे कुसै बी मुल्खे दे संकट दरान भारत दे निश्ठापूर्ण जतन सब्बने शा अगगे होंगन ते सब्बने शा पैहले मदाद लेई अपना हत्थ बधाग। प्रधानमंत्री होरें आखेआ जे भारत अज्ज ग्लोबल साऊथ दा आवाज बनिए उभरेआ ऐ। उनें आखेआ जे अज्ज दा समा आपसी लड़ाई दा नेई ऐ सगुआं उनें गल्लें ते मुद्दे दा पता लाने ते उन्दा हल करने दा जिस करी एसी स्थिति पैदा हुन्दी ऐ।

<><><><><><>

Omar-Poonach Visit

मुख्यमंत्री उमर अब्दुल्ला होरें पुंछ जिले दा व्यापक दौरा लाइयै उत्थें जारी विकास कम्में दा जायजा लैता। मुख्यमंत्री दे तौर पर कम्मकाज सांभने मगरा एह उंदा पुंछ दा पैहला दौरा हा। पुंछ दे डिप्टी कमीशनर होरें कैपेक्स प्रोलेक्टें ते होरने मैहकमे दी प्रगति बारे व्यापक जानकारी दित्ती। मुख्यमंत्री होरें प्रोजेक्टें गी मित्थे गेदे समें अंदर पूरा करने पर जोर पाया। एहदे कन्नो कन्नी उनें कम्में दी गुणवत्ता ते ओहदे म्यार गी बनाई रखने लेई बी गलाया। बैठक दरान हवेली थमां विधायक एजाज जान ते सुरनकोट थमां विधायक चौधरी अक्रम होरें केई सारे लोक हित आले मामले पुट्टे गेदे च शिड़क राबता, सेहत सरबन्धी दिक्खभाल, शिक्षा ते बिजली सरबन्धी ढांचा शामिल हा। इस दरान मुख्यमंत्री हुंदे कन्नै केई सारे प्रतिनिधिएं जेह्दे च बपार मंडल, धार्मिक नेता, सिविल सोसायटी दे संगठन, साबका फौजिएं बॉर एसोसिएशन, समाजी कार्यकर्ता ते खडारी शामिल हे, मुख्यमंत्री हुंदे कन्नै मलाटी कीती। इनें सब्बने अपने अपने मामलें ते मंगां उंदे अगगे रक्खियां। मुख्यमंत्री होरें सब्बने जायज मसलें दा हल करोआने दा भरोसा दोआया। दौरे दरान मुख्यमंत्री होरें पीडब्ल्यूडी, स्कूली

शिक्षा, पशु पालन ते जल जीवन मिशन ते होरने मैहकमे दे सबूरे होई चुके दे प्रोजेक्टें दा वर्चुअल माध्यम राएं उद्घाटन कीता।

<><><><><><>

NIA-Jammu Raids

राष्ट्रीय जांच अजेंसी एनआईए नै जम्मू ते कश्मीर दे 5एं जिलें च कल छापेमारी कीती। एह छापेमारी आतंकवादी घुसपैठ ते हाल च सुरक्षाबलें ते नागरिकें पर होए दे हमलें दे सरबंधै च ही। एह छापेमारी रियासी, उधमपुर, डोडा, रामबन ते किश्तवाड़ जिलें दी 8एं थाहरें पर कीती गेई। एनआईए मूजब इस छापेमारी दरान प्रतिबंधित आतंकवादी संगठनें ते आतंकवादी संगठन थमां बाहर रेड्यै कम्म करने आले ओवर ग्राउंड वर्करें बश्कार राबता ते होर दुए समेयान बरामद होआ।

<><><><><><>

JK-Basmati Fest 2024

बपार करोबार गी बढ़ावा देने सरबन्धी जम्मू कश्मीर संगठन जेकेटीपीओ नै स्कास्ट जम्मू दे सैहयोग कन्नै स्कास्ट जम्मू दे परिसर च बासमती फेस्ट 2024 दा सरिस्ता कीता। एहदा मकसद पूरी दुनिया च मशहूर बासमती चौलें दी टकोहदी गुणवत्ता, ओहदे म्यार ते बजार सरबन्धी समर्थ ते राई-बाई सरबन्धी तौर तरीकें पर चर्चा करना ते उनेंगी उजागर करना ऐ। उद्योग ते बपार कारोबार सरबन्धी आयुक्त सचिव विक्रम जीत सिंह होरें उद्घाटनी संबोधन च बासमती चौलें दी जैविक प्रमाणित दी महत्ता गी उजागर कीता। उनें मैहकमे दे इक जिला इक उत्पाद आले जतन गी उजागर कीता ते जम्मू कश्मीर दे मते महत्व आले फलैगशिप उत्पादें गी बढ़ावा देने लेई गतिविधिएं दे कैलेंडर गी जारी करने लेई बी गलाया। उनें जेकेटीपीओ ते स्कास्ट दे इस सांझे जतन दी सराहना कीती। जेकेटीपीओ आस्सेआ लाए गेदे खरीददार ते विक्रेता मुलाकात दरान राष्ट्रीय स्तर दे 15 खरददारें हिससा लैता। उनें मकामी उत्पादकें कन्नै बी गल्लबात कीती। इयै जनेइउं गतिविधिएं कन्नै करसानें ते होरने लोकें गी लाह थहोग। इस प्रदर्शनी च 18 मकामी प्रदर्शकें बासमती सरबन्धी उत्पादें गी प्रदर्शित कीता जेहदे कन्नै एहदी विविधता दा पता लगदा ऐ।

<><><><><><>

JKLSA-Awareness Campaign

लोकतांत्रिक सिद्धांतें ते संवैधानिक मुल्लें कदरें बारे जम्मू कश्मीर कनूनी सेवा प्राप्तीकरण नै जिला कनूनी सेवा प्राप्तीकरण जम्मू ते सरकारी महिला कालेज परेड जम्मू दे सैहयोग कन्नै हप्तै भरै दे जागरूकता कार्यक्रम दा सरिस्ता कीता। आकाशवाणी जम्मू संवाददाता दी रिपोर्ट मूजब जम्मू ते कश्मीर ते लद्दाख गिर्ई कोर्ट दे जस्टिस अतुल श्रीधरण होरें इस कार्यक्रम दा उद्घाटन कीता। हप्तै भरै दे इस कार्यक्रम दा मकसद संवैधानिक मुल्लें कदरे, हक्क ते कृत्वये बारे च सब्बने गी जानकार बनाना ऐ। एह्दे अलावा इनें मुल्लें गी बनाई रखने च कनूनी इदारे दी महत्त्वै आली भूमिका गी उजागर करना हा। इस मौके पर बोलदे होई जस्टिस श्रीधरण होरें संविधान दे बुनियादी मुल्लें ते उंदी रोजमर्रा दे जीवन च महत्ता पर जोह पाई।

<><><><><><><>

PB-OTT Platform

प्रसार भारती दे अध्यक्ष नवनीत कुमार सहगल होरें आखेआ ऐ जे एह् साढर जिम्मेदारी ऐ जे अस साफ सुथरे परोआरिक मनोरंजन आले कार्यक्रम बनाचै जेह्डे समाज दे सब्बने वर्ग तगर पुज्जन। लोक प्रसारक प्रसार भारती दे ओटीटी प्लेटफार्म वेब्स गी शुरू करौआने मगरा मीडिया गी संबोधत करदे होई श्री सहगल होरें दस्सेआ जे वेब्स प्लेटफार्म पर दूरदर्शन दे संग्रैह करियै रखे गेदे ओकडे शानदार कार्यक्रमें दा प्रसारण बी कीता जाग जिनेंगी दिक्खियै केई लोक बड्डे होए दे न। उनें इब्बी दस्सेआ जे देसै दे इतिहास ते समृद्ध सांस्कृतिक विरसें पर केन्द्रित इलाकाई सांस्कृतिक कार्यक्रमें दा प्रसारण बी इ समंच दे माध्यम कन्नै कीता जाग।

<><><><><><><>